

王符潜夫論貴忠篇

自和安之後
 世務游宦當
 塗者更相薦
 引而符獨耿
 介不同於俗
 以此遂不得
 升進志意蘊
 憤乃隱居著
 書三十餘篇
 以譏當時失
 得不欲章顯
 其名故號曰
 潜夫論其指
 計時短討謫
 物情足以規
 見當時風政
 云

夫帝王之所尊敬者天也。皇天之所愛育者人也。今
 人臣受君之重位。牧天之所愛焉。可以不安而利之。
 養而濟之哉。是以君子任職。則思利人。達上則思進
 賢。故居上而下不怨。在前而後不恨也。書稱天工人
 其代之。臯陶王者法天而建官。故明主不敢以私授。
 忠臣不敢以虛受。竊人之財。猶謂之盜。況偷天官以
 私已乎。以罪犯人。必加誅罰。況乃犯天得無咎乎。夫
 五世之臣。以道事君。澤及草木。仁被率土。是以福祚
 流衍。本支百世。季世之臣。以諂媚主。不思順天。專仗



草畫殆盡

此是縉紳先生
生面日月

殺伐白起蒙恬秦以爲功天以爲賊息夫董賢主以
爲忠天以爲盜息夫躬字子微哀帝時告東平王雲
事封宜陵侯董賢字聖七得幸哀帝
爲賢起大第於北闕下封爲高安侯易曰德薄而位尊智小而謀大鮮
不及矣是故德不稱其禍必酷能不稱其殃必大夫
竊位之人天奪其釐雖有明察之資仁義之志一旦
富貴則背親捐舊喪其本心踈骨肉而親便辟薄知
友而厚犬馬寧見朽貫千萬而不忍貸人一錢情知
積粟腐倉而不忍貸人一斗骨肉怨望於家細人謗
譏於道前人以敗後爭襲之誠可傷也歷觀前政貴
人之用心也與嬰兒子何其異哉嬰兒有常病貴人

所謂癰疽既潰而大命隨之釀禍國家亦復不淺

庸流勿論一且利今智昏明知之而明蹈之者比比皆是

有○常○禍○父○母○有○常○失○人○君○有○常○過○嬰○兒○常○病○傷○於○飽○也○貴○人○常○禍○傷○於○寵○也○哺○乳○多○則○生○癰○病○富○貴○盛○而○致○驕○疾○愛○子○而○賊○之○驕○臣○而○滅○之○者○非○一○也○極○其○罰○者○乃○有○仆○死○深○牢○銜○刀○都○市○趙將李牧為韓倉臂短不能及銜豈非無功於天有害於人者乎夫鳥以山柱以自殺為○埋○而○增○巢○其○上○魚○以○泉○為○淺○而○穿○穴○其○中○卒○所○以○得○者○餌○也○貴○戚○願○其○宅○吉○而○制○為○令○名○欲○其○門○堅○而○造○作○鐵○樞○卒○其○所○以○敗○者○非○苦○禁○忌○少○而○門○樞○朽○也○常○苦○崇○財○貨○而○行○驕○僭○耳○不○上○順○天○心○下○育○人○物○而○欲○任○其○私○智○竊○弄○君○威○反○戾○天○地○欺○誣○神○明○居○累○卵○

古今文編 卷七
之危。而圖太山之安。爲朝露之行。而思傳世之功。豈不惑哉。豈不惑哉。

劉

勰曰王符潛夫崔實政論仲長昌言咸敘經典

或明政術雖標論各歸乎諸子何者傳明萬事爲子適辨一理爲論彼皆蔓延雜說故入諸子之流夫自六國以前去聖未遠故能越世高談自開戶牖兩漢以後體執浸弱難明於坦途而類多依採此遠近之漸變也

張以忠曰說得極痛切戀權勢者讀之當瞿然而省

崔寔政論

本傳云指切時要言辭而稱當世稱之仲長統曰凡為人主宜寫一通置之坐側言當世理亂雖見錯之徒不能過也

自堯舜之帝湯武之王皆賴明哲之佐博物之臣故
臯陶陳謨而唐虞以興伊箕作訓而殷周用隆及繼
體之君欲立中興之功者曷嘗不賴賢哲之謀乎凡
天下所不理者常繇人主承平日久俗漸敝而不悟
政寢衰而不改習亂安危快不自覩或荒
耽嗜欲不恤萬機或耳蔽箴誨厭不自覩或荒
岐路莫適所從或見信之佐括囊守祿或
踈遠之臣言以賤廢是以王綱縱弛於上智士鬱伊
於下鬱伊不申之貌悲夫自漢以來三百五十餘歲矣政令

此段言政說俗敝民思中興救時之術在達權定制不宜拘常守舊也
是幹蠱一論

此言中興之主因時創制而引盤庚周穆以証之

垢翫也。垢惡。上下懈怠。風俗彫敝。人庶巧僞。百姓囂然。咸復思中興之救矣。且濟時拯世之術。豈必體堯蹈舜。然後廼理哉。期於補綻決壞。枝柱邪傾。隨形裁割。要措斯世。於安寧之域而已。故聖人執權。權謂變也遭時定制。步驟之差。各有云設。不彊人以不能。背急切而慕所聞也。背當時之急切而慕所聞之事則非濟時之要蓋孔子對葉公以來遠哀公。以臨人。景公以節禮。非其不同。所急異務也。是以受命之君。每輒創制中興之主。亦匡時失昔。盤庚愍殷。遷都易民。周穆有闕。甫侯正刑。俗人拘文。牽古不達。權制奇偉。所聞簡忽。所見烏可。與論國家。

議論風生英
標駿發

賈生屈子二
句正上文言
事合聖德輒
見倚奪意

之大事哉。故言事者。雖合聖德。輒見倚奪。從後牽何
者。其頑士闇於時權。安習所見。不知樂成。況可慮始。
苟云。率由舊章而已。其達者。或矜名妒能。耻策非已。
舞筆奮辭。以破其義。寡不勝衆。遂見擯棄。雖稷契復
存。猶將困焉。斯賈生之所以排於絳灌。屈子之所以
攄其幽憤者也。夫以文帝之明。賈生之賢。而有此患。
況其餘哉。故宜量力度德。春秋之義。今既不能純法
八世。故宜參以霸政。入世謂三皇五帝也。霸謂齊桓晉文也。霸政則宜
重賈深罰。以御之。明著法術。以簡之。自非上德嚴之。
則理寬之。則亂。何以明其然也。近孝宣皇帝。明於君

宣元之相去
在明暗不在

寬嚴使宣帝

稍從寬大趙

蓋韓楊不死

元帝寬于恭

顯未嘗不嚴

于望之堪猛

也

刑罰德政數
語爽人心口

人之道。審於爲政之理。故嚴刑峻法。破姦軌之膽。海
內清肅。天下密也。密靜如薦勲祖廟。亨號中宗。算計見
效。優於孝文。及元帝卽位。多行寬政。卒以墮損威權。
始奪。遂爲漢室基禍之主。政道得失。於斯可鑒。昔孔
子作春秋。褒齊桓。懿晉文。歎管仲之功夫。豈不美文
武之道哉。誠達權救敝之理也。故聖人能與世推移。
而俗士苦不知變。以爲結繩之約。可復理亂秦之緒。
干戚之舞。足以解平城之圍。夫熊經鳥伸。雖延歷之
術。非傷寒之理。呼吸吐納。雖度紀之道。非續骨之膏。
蓋爲國之法。有似理身。平則致養。疾則攻焉。夫刑罰

銜不失節
是和鳴清節

者治亂之藥石也。德教者興平之梁肉也。夫以德教除殘，是以梁肉理疾也。以刑罰理平，是以藥石供養也。

也。方今承百王之敝，值厄運之會，自數世以來，政多

恩貸，馭委其轡，馬駘其銜，四牡橫奔，皇路險傾。駘馬銜脫

也皇路方將拊勒鞅，音以救之。豈暇鳴和鑾，清

節奏哉？拊以木銜其口也。勒馬轡，鞅車轅，鞅猶束也。鑾設于鑣，和設于軾。馬動則鑾鳴，鑾鳴則和

應節也。昔高祖令蕭何作九章之律，有夷三族之令，黥

劓，斬趾，斷舌，梟首，故謂之具五刑。文帝雖除肉刑，當

劓者笞二百，當斬左趾者笞五百，當斬右趾者棄市。

右趾者既殞其命，笞撻者往往至死。雖有輕刑之名，

文帝惟以德故能重刑寔謂以嚴致平此其憤激太過處
前云宜參霸政至此復以師帝式王爲論始知前言物匡時失耳
此帝王不易之常道

其實殺也。當此之時，民皆思復肉刑。至景帝元年，廼下詔曰：加笞與重罪無異，幸而不死，不可爲民廼定律減笞輕捶。自是之後，笞者得全。以此言之，文帝廼重刑非輕之也。以嚴致平，非以寬致平也。必欲行若言，當大定其本，使人主師五帝而式三王，盪亡秦之俗，遵先聖之風，棄苟全之政，蹈稽古之蹤，復五等之爵，立井田之制。然後選稷契爲佐，伊呂爲輔，樂作而鳳凰儀，擊石而百獸舞。若不然，則多爲累而已。

司馬光曰：漢家之法已嚴矣，而崔寔猶病其寬，何哉？

蓋衰世之君率多柔懦，凡愚之佐唯知姑

息是以權幸之臣有罪不坐豪猾之民犯
法不誅仁恩所施止於目前姦宄得志紀
綱不立故寔之論以矯一時之枉非百世
之通義也孔子曰政寬則民慢慢則糾之
以猛猛則民殘殘則施之以寬寬以濟猛
猛以濟寬政是以和斯不易之常道也

張以忠曰國家制治全賴法紀維持之惟承平旣久
叢脞日多必至刑威廢弛政權旁借其潰
決殆有不可勝言者崔子此論似實有確
見未可以其辭理未醇而少之也

又曰語語快心最稱精醒

劉陶陳時事疏

天地與人相須而成帝王

與人亦然此

祖尚書陶蓋

欲桓帝不輕

忽其臣也為

下薦朱李張

本

自此至輕上

天之怒言桓

帝處逸樂故

忽天戒

叙高祖之荆

業武帝之不

善守

方入事便直

攻桓帝可謂

臣聞人非天地。無以為生。天地非人。無以為靈。是故

帝非人不立。人非帝不寧。夫天之與帝。帝之與人。猶

頭之與足。相須而行也。伏惟陛下。年隆德茂。中天稱

號。中謂當天之中也襲常存之慶。循不易之制。目不視鳴條

之事。耳不聞檀車之聲。湯伐桀戰于鳴條之野。檀車兵車也天災不有

痛于肌膚。震食不即損于聖體。故蔑三光之謬。輕上

天之怒。伏念高祖之起。始自布衣。拾暴秦之敝。追从

周之鹿。合散扶傷。克成帝業。功既顯矣。勤亦至矣。流

福遺祚。至于陛下。陛下既不能增明烈考之軌。而忽

顛且矣

指庵宦之肆

志虎豹豺狼

二語名狀特

善

形容情事悲
痛之甚

借秦為鑒亡
秦之端不出

此數語獨指

趙高意在桓

高祖之勤。妄假利器。委受國柄。使羣醜刑隸。芟刈小民。離敝諸夏。虐流遠近。故天降衆異。以戒陛下。陛下不悟而競。令虎豹窟于麕場。豺狼乳于春園。鹿子曰麕。麕乳產也。斯豈唐咨禹稷。益典朕虞。議物賦土。蒸民之意哉。又令牧守長吏。劉放曰。按今當作令。上下交競。封豕長蛇。蠶食天下。貨殖者為窮。冤之。覓貧餒者作饑寒之鬼。高門獲東觀之辜。豐室羅妖叛之罪。孔子誅少正卯。于東觀之下。死者悲于窀穸。生者戚于朝野。窀穸也。窀夜也。穸夜也。厚夜猶長夜也。是愚臣所為咨嗟。長懷歎息者也。且秦之將亡。正諫者誅。諛進者賞。嘉言結于忠舌。國命出于讒口。擅閭樂于咸陽。

帝寵任奢宦
最是激切

按本傳云劉
陶為人居恒
不修小節所
與交友必其
同志好尚或
殊富貴不求
合情趣苟同
貧賤不易意
觀此所薦二
臣亦可想見
云

授趙高以車府。趙高為車府令與督威權去已而不
知威離身而不顧古今一揆成敗同軌願陛下遠覽
強秦之傾近察哀平之變得失昭然禍福可見臣又
聞危非仁不扶亂非智不救故武丁得傳說以消雉
雉之災。武丁殷王高宗也得傳說為相殷復興焉時
有雉登鼎耳而雉武丁懼而修德位以永寧
周宣用申甫以濟夷厲之荒。申甫申侯甫侯也
夷厲夷王厲王也竊見
故冀州刺史南陽朱穆前為桓校尉臣同郡李膺皆
履正清平貞高絕俗穆前在冀州奉憲操平摧破姦
黨掃清萬里膺歷典牧守正身率下及掌戎馬威揚
朔北斯實中興之良佐國家之柱臣也宜還本朝挾

數語有致命
遂意思語
直氣壯

輔王室上齊七耀下鎮萬國臣敢吐不時之義于諱
言之朝猶冰霜見日必至消滅臣始悲天下之可悲
今天下亦悲臣之愚惑也

陳仁子曰草茅之士以分論則不必言以理論則不

容不言嫫褱有宗周之憂漆室有倚楹之
嘆皆此心也劉陶身非兩府也位非九卿
也既無官守又無言責始游太學乃歷詆
政柄之不可假直諫之不可誣而又薦李
膺朱穆以綱維國政雖瀕于死而不懈鳴
呼其心何超然度越世俗者觀其疏首言

91
天地人物之故則陶所見未易與俗人言也

唐順之曰此疏大意言高祖能以布衣造漢責桓帝之不能守可謂慙直吳孫秀云討逆弱冠以一校尉勦業今後主舉江南而棄之唐李翱云神堯以一旅取天下後世子孫不能以天下取河北此忠臣志士之歎古今一也

張以忠曰時孝桓無嗣梁冀擅朝連年凶饑災祲數見陶時爲太學生而乃抗言危論引薦端

人可謂不畏強圉矣當時若胡廣者備位
三公緘言畏罪不識對之亦含媿否

上孝桓皇帝鑄錢議

此篇置鑄錢不論獨論當

今之憂在於民飢尤為識時審勢之譚

一篇大指正

破當時幣輕

錢薄之說

以食為國寶正與貨字相形

聖王承天制物。與人行止。建功則眾悅其事。興戎而師樂其旅。是故靈臺有子來之人。武旅有鳧藻之士。
武旅周武王之旅。鳧得水藻言喜悅也。皆舉合時宜。動順人道也。臣伏讀鑄錢之詔。平輕重之議。訪覃幽微。不遺窮賤。是以藿食之人。謬延逮及。蓋以為當今之憂。不在於貨。在乎民饑。夫生養之道。先食後民。
劉攽曰案民當作貨。是以先王觀象育物。敬授民時。使男不逋畝。女不下機。故君臣之道行。王路之教通。繇是言之。食者乃有國之所寶。生民之至貴也。竊見比年以來。良苗盡於蝗螟之口。

此一段讀之可為酸鼻

名理名言足垂不朽

深究弊源最是的確議論

按賈誼鑄錢疏云今錢法

杼柚空於公私之求。詩曰小東大所急朝夕之餐所
 患靡鹽之事。豈謂錢貨之厚薄銖兩之輕重哉。就使
 當今沙礫化為南金。瓦石變為和玉。詩曰大路南金和玉卞和之玉
 也。使百姓渴無所飲。饑無所食。雖義皇之純德。唐虞
 之文明。猶不能以保蕭牆之內也。蓋民可百年無貨
 不可一朝有饑。故食為至急也。議者不達農殖之本
 多言鑄冶之便。或欲因緣行詐以賈國利。國利將盡
 取者爭競。鑄造之端於是乎生。蓋萬人鑄之一人奪
 之。猶不能給。况今一人鑄之。則萬人奪之乎。雖以陰
 陽為炭。萬物為銅。賈誼之言役不食之民。使不饑之士。猶

不立農民釋
其耒耜治鎔
炊炭姦錢日
多誼止慮錢
法不立不若
劉生止役禁
奪之語尤為
有見

不能足無厭之求也。夫欲民殷財阜要在止役禁奪。則百姓不勞而足。陛下聖德愍海內之憂戚傷天下之艱難。欲鑄錢齊貨以救其敝。此猶養魚沸鼎之中。棲鳥烈火之上。水木本魚鳥之所生也。用之不時必至焦爛。願陛下寬鍤薄之禁。後冶鑄之議。聽民庶之謠吟。問路叟之所憂。列子曰堯微服游於康衢兒童謠曰立我蒸民莫匪爾極不識不知順帝之則說苑曰孔子行游中路聞哭者聲其音甚悲孔子問之對曰吾有三失吾少學周徧天下還後吾親亡是一失也事君驕奢不遂是二失也厚交友而後絕是三失也瞰三光之文耀視山河之分流。日月譴食星辰錯行山崩川竭皆亡徵天下之心國家大事粲然皆見。無有遺惑者矣。臣嘗誦詩至鴻鴈。

因詩以寫怨
托景以道愁
真有感時
淚傷別驚心
之句

老成謀國之
慮非過計非
激談

于野之勞哀勤百堵之事每喟爾長懷中篇而歎詩小

雅鴻鴈之篇言壤滅之國徵人起屋近聽征夫饑勞

舍築墻壁百堵同時而起言趨事也

之聲甚於斯歌是以追悟匹婦吟魯之憂始於此乎

列女傳魯漆室邑女當穆公時君老太子幼女倚柱而啼見白駒之意屏營徬徨

不能監寐詩白駒喻賢人也伏念當今地廣而不得

耕民衆而無所食羣小競進秉國之位鷹揚天下烏

鈔求飽吞肌吸骨並噬無厭誠恐卒有役夫窮匠起

於版築之間役夫謂陳涉窮匠謂驪山之徒投斤攘臂登高遠呼使

愁怨之民嚮應雲合八方分崩中夏魚潰公傳曰其言梁亡

何魚爛而亡也何休曰雖方尺之錢何能有救其危

魚爛從中發潰爛也

詞雄氣勁有
矯矯之狀

猶舉函牛之鼎。絺繖枯之木。函牛之鼎謂大鼎也。詩人所以眷

然顧之。潛然出涕者也。詩小雅大東之文也。潛涕下貌。鄭玄註云。傷今不如古也。

臣東野狂闇。不達大義。緣廣及之時。對過所問。知必
以身脂鼎。鑊爲天下笑。

陳仁子曰。劉陶大錢之議。桓帝從之。而無垢。張氏謂

陶游太學。無官守。言責然。則太學獨非公

議從出之地乎。陶之以諫得禍。申斥宦寺

殆一得禍不悔也。

茅瓚曰。美辭沃論。快心爽口。深謀遠慮。裨益皇猷。

真令人讀之不厭。

張以忠曰應詔陳議款款肫切不覺憂危之至昌言
吐瀝辭激以深情隱而側懲時救弊蓋不
獨鑄錢一事也有用之文可勒金石

蔡邕諫伐鮮卑議

靈帝時幽并涼三州緣邊

諸郡無歲不被鮮卑寇抄

殺略不可勝

數時言危校尉田晏坐事

論刑被原欲立功自効

乃拜晏為破鮮卑中郎將

大臣多有不同乃召百官

議朝堂議郎蔡邕議云云

帝不從

書戒猾夏湯伐鬼方周有獫狁蠻荆之師漢有鬬顏

瀚海之事

武帝使大將軍衛青擊匈奴至鬬顏山斬首萬餘級使霍去病擊匈奴封狼居胥山

登臨瀚

征討殊類所繇尚矣然而時有同異執有可

海也

否故謀有得失事有成敗不可齊也武帝情存遠略

志闢四方南誅百越北討強胡西伐大宛東并朝鮮

因文景之蓄藉天下之饒數十年間官民俱匱乃興

鹽鐵酒榷之利設告緡重稅之令

武帝使東郭咸陽等領天下鹽鐵敢

私鑄錢賣鹽者鈇左趾榷專也官自賣酒人不得賣

也又筭緡錢率緡錢二千而筭一令各以其物自占

占不悉聽人告緡以半與之音義曰緡絲

也用以貫錢故曰緡錢一筭百二十也

民不堪命

起爲盜賊。關東分擾。道路不通。繡衣直指之使。奮鉞

鉞而並出。

武帝使直指使者暴勝之。等衣繡仗斧。分部逐捕也。

旣而覺悟。乃息

兵。罷役。封丞相爲富人侯。

封丞相田千秋爲富人侯。以明休息。思富養人。故

主父偃曰。夫務戰勝窮武事。未有不悔者也。夫以世

宗神武將帥。良猛財富充實。

劉敞曰。案富字當作賦。

所拓廣遠。

猶有悔焉。况今人財並乏。事劣。昔時乎。自匈奴遁逃。

鮮卑彊盛。據其故地。稱兵十萬。才力勁健。意智益生。

加以關塞不嚴。禁網多漏。精金良鐵。皆爲賊有。漢人

逋逃。爲之謀。主兵利馬疾。過於匈奴。昔段熲。良將。習

兵善戰。有事西羌。猶十餘年。今育晏才。策未必過。賴

國家疎虞如此。又安計夷虜乎。

論殊爽愷且
更務切事情

悠揚舒展氣
脉雍和

鮮卑種衆不弱于曩時而虛計二載自許有成若禍
結兵連豈得中休當復徵發衆人轉運無已是爲耗
竭諸夏并力蠻夷夫邊垂之患手足之疥搔中國之
困胸背之癰疽蚘音介搔音新到反埤蒼曰癰音必
燒反杜預註曰左傳曰疽猶惡創也
方今郡縣盜賊尚不能禁况此醜虜而可伏乎昔高
祖忍平城之耻呂后去慢書之詬方之於今何者爲
甚天設山河秦築長城漢起塞垣所以別內外異殊
俗也苟無賊國詩天雅云日
賊國百里內侮之患則可矣豈與
蟲豸校寇計爭往來哉雖或破之豈可殄盡而方今
本朝爲之肝食乎劉敞曰今本朝案文
今當作令肝晚也夫專勝者未

援引故實不
似他人雜沓
昔人謂豈有
良史材蓋不
誣矣

雅鍊之中格
法清融筆法
圖整知是名
手

必克挾疑者未必敗衆所謂危聖人不任朝議有嫌
明主不行也昔淮南王安諫伐越曰天子之兵有征
無戰言其莫敢校也校報也如使越人蒙死以逆執事
斯與之卒有一不備而歸者雖得越王之首而猶爲
大漢羞之而欲以齊民易醜虜皇威辱外夷就如其
言猶已危矣况乎得失不可量邪昔珠厓郡反孝元
皇帝納賈捐之言而下詔曰珠厓背畔今議者或曰
可討或曰棄之朕日夜惟思羞威不行則欲誅之通
於時變復憂萬民夫萬民之饑與遠蠻之不討何者
爲大宗廟之祭凶年猶有不備况避不嫌之辱哉今

氣度雍和絕
無論事矜張
之態蓋法異
互用者

關東大困。無以相贍。又當動兵。非但勞民而已。其罷
珠厓郡。此元帝所以發德音也。夫卹民救急。雖成郡
列縣。尚猶棄之。况障塞之外。未嘗爲民居者乎。守邊
之術。李牧善其略。見史記保塞之論。嚴尤申其要。見西漢書
遺業猶在。文章具存。循二子之策。守先帝之規。臣曰
可矣。

陳仁子曰。鮮卑檀石槐之生。亦足以誑俗而跋扈者
矣。夏育小勝。不足以止請擊之奏。朝廷不
許。當也。至田晏之爲中郎將。由是王甫蔡
邕諫伐之論。雖借太公之口發之。其能禁

乎育宴臧旻檻車下獄不足恤也甫如國
何

張以忠曰識既卓越氣復整暇金和王節之文

又曰只就漢家已事引據明確軒舉之中時覺

秀宕

孔融薦禰衡表

正平之才文
舉之薦可稱
兩絕

古之荐者及
其字如此

視公如龍視
搽如鬼

思果飛辨八

句模寫正平

大似

臣聞洪水橫流。帝思俾乂。旁求四方。以招賢俊。昔世
宗繼統。將弘祖業。疇咨熙載。羣士響臻。陛下獻聖纂
承基緒。遭遇厄運。勞謙日玄。惟嶽降神。異人竝出。竊
見處士平原禰衡。年二十四。字正平。淑質貞亮。英才
卓犖。初涉藝文。升堂觀奧。目所一見。輒誦之口耳。
所暫聞。不忘于心。性與道合。思若有神。弘羊潛計。安
世默識。以衡準之。誠不足怪。忠果正直。志懷霜雪。見
善若驚。疾惡若讐。任座抗行。史魚厲節。殆無以過也。
鷺鳥累百。不如一鶚。使衡立朝。必有可觀。飛辯騁辭。

終賈飛聲年
俱不滿弱冠

衡亦年二十
四故引以為

喻

一派文詞俊
逸瀟灑出塵

言臣等則此
表非一人署
名融特執筆
耳

溢氣全涌解疑釋結臨敵有餘昔賈誼求試屬國詭
係單于終軍欲以長纓牽制勁越弱冠慷慨前世美
之近日路粹嚴象亦用異才擢拜臺郎衡宜與為比
如得龍躍天衢振翼雲漢揚聲紫微垂光虹蜺足以
昭近署之多士增四門之穆穆鈞天廣樂必有奇麗
之觀帝室皇居必畜非常之寶若衡等輩不可多得
激楚陽阿至妙之容掌伎者之所貪飛兔驟鬣泉絕
足奔放良樂之所急也臣等區區敢不以聞陛下篤
慎取士必須効試乞令衡以褐衣召見必無可觀采
臣等受面欺之罪

鄒

泉曰昔人弔禰衡云老瞞尚書不能容物黃祖
何能解愛才夫衡有才而不能自容于世
其無辜文舉之薦哉

張以忠曰天才駿發神彩瑩然品韻卓絕

古今文編

卷七

五

荀悅漢紀游俠論

荀悅西漢紀
此編年史之

始

此因游俠而

及游說游行

言三游之作

生千季世正

道之壞而因

論大道之行

反本之治識

確而理正

濶論

世有三遊。德之賊也。一曰遊俠。二曰遊說。三曰遊行。
立氣勢。作威福。結私交。以立強於世者。謂之遊俠。飾
辯辭。設詐謀。馳逐於天下。以要時勢者。謂之遊說。色
取仁以合時。好連黨類。立虛譽。以為權利者。謂之遊
行。此三遊者。亂之所繇生也。傷道害德。敗法惑世。失
先王之所慎也。國有四民。各脩其業。不繇四民之業
者。謂之姦民。姦民不生。王道乃成。凡此三遊之作。生
於季世。周秦之末。尤甚焉。上不明。下不正。制度不立。
綱紀廢弛。以毀譽為榮辱。不核其真。以愛憎為利害。

李世陵遲大
壞恒齡于此
三游安得不
作

此說三游之
所辭起探原
題流之論

不論其實。以喜怒爲賞罰。不察其理。上下相冒。萬事
乖錯。是以言論者。計薄厚而吐辭。選舉者。度親疎而
舉筆。善惡謬於衆聲。功罪亂於王法。然則利不可以
義求。害不可以道避也。是以君子犯禮。小人犯法。奔
走馳騁。越職僭度。節華廢實。競趨時利。簡父兄之尊。
而崇賓客之禮。薄骨肉之恩。而篤朋友之愛。忘脩身
之道。而求衆人之譽。割衣食之業。以供饗宴之好。苞
苴盈於門庭。聘問交於道路。書記繁於公文。私務衆
於官事。於是流俗成矣。而正道壞矣。遊俠之本。生於
武毅。不撓久要。不忘平生之言。見危授命。以救時難。

中三截言三

游原是流弊

之失生之者

固有所本也

不是說三游

有正行之者

不然不得緊

目之曰姦民

且聖世亦不

得而廢之矣

何云德之賊

哉

上言三游之

作生于季世

因言季世之

所以有此三

游者繇于正

道之壞此言

而○濟○同○類○以○正○行○之○者○謂○之○武○毅○其○失○之○甚○者○至○於○
為○盜○賊○也○遊○說○之○本○生○於○使○乎○四○方○不○辱○君○命○出○境○
有○可○以○安○社○稷○利○國○家○則○專○對○解○結○辭○之○釋○矣○民○之○
莫○矣○以○正○行○之○者○謂○之○辯○智○其○失○之○甚○者○主○於○為○詐○
給○徒○衆○矣○遊○行○之○本○生○於○道○德○仁○義○汎○愛○容○衆○以○文○
會○友○和○而○不○同○進○德○及○時○樂○行○其○道○以○立○功○業○於○世○
以○正○行○之○者○謂○之○君○子○其○失○之○甚○者○至○於○因○事○害○私○
為○姦○軌○矣○其○相○去○殊○遠○豈○不○哀○哉○故○大○道○之○行○則○三○
遊○廢○矣○是○以○聖○王○在○上○經○國○序○民○正○其○制○度○善○惡○要○
於○公○罪○而○不○滯○於○毀○譽○聽○其○言○而○責○其○事○舉○其○名○而○

大道之行則
三游廢矣因

言三游之不

作于聖世者

原于化理之

醕首尾精神

貫洽關照圓

密

王道大根本

大作用縷縷

鋪陳可謂經

世宏章

指其實故實不應其聲者謂之虛情不覆其貌者謂
之偽毀譽失其真謂之誣言事失其類者謂之罔虛
偽之行不得設誣罔之辭不得行有罪惡者無僥倖
無罪過者不憂懼請誦無所行貨賂無所用民志定
矣民志既定於是先之以德義示之以好惡奉業勸
功以用本務不求無益之物不畜難得之貨絕靡麗
之飾遏利欲之巧則淫流之民定矣而貪穢之俗清
矣息華文去浮辭禁偽辨絕淫智放百家之紛亂一
聖人之至道則虛誕之術絕而道德有所定矣尊天
地而不瀆敬鬼神而遠之除小忌去淫祀絕竒怪正

實是根據此
正所謂姦民
不生王道乃
成

人事則妖僞之言塞而性命之理得矣。然後百姓上
下皆反其本。人人親其親。尊其尊。修其身。守其業。於
是養之以仁惠。文之以禮樂。則風俗定而大化成矣。

張以忠曰。聖王在上。禮樂刑政事事脩舉。化成俗定。
故國上行私之民。必不生。于聖世三游之
作。原于上無明君王。跡既熄。俗流失。世敗
壞。邪說暴行。始得橫行。震蕩其間耳。此文
措切。季世之弊。可藥石。今時敷陳先王之
治。可措法。千古精深。闕博醇正。卓雅自成。
名筆

人
文
系

卷
七

五
十六

仲長統昌言法誠篇

周禮六典冢宰貳王而理天下。春秋之時。諸侯明德者。皆一卿爲政。爰及戰國。亦皆然也。秦兼天下。則置丞相而貳之以御史大夫。自高帝逮於孝成。因而不改。多終其身。漢之隆盛。是惟在焉。夫任一人。則政專。任數人。則相倚。政專則諧。和相倚則違。戾和諧則太平之所興也。違戾則荒亂之所起也。光武皇帝愠數世之失權。忿彊臣之竊命。矯枉過直。政不任下。雖置三公。事歸臺閣。臺閣謂尚書也。自此以來。三公之職。備員而已。然政有不理。猶加譴責。而權移外戚之家。寵被近

大臣失權而人主不能自權移之戚宦其禍更烈

背謬至此

吏之選舉

戚之豎親其黨類用具私人內克京師外布列郡顛
倒賢愚貿易選舉疲駑守境貪殘牧民撓擾百姓忿
怒四夷招致乖叛亂離斯瘼也瘼病怨氣並作陰陽失
和三光虧缺怪異數至蟲螟食稼水旱爲災此皆戚
宦之臣所致然也反以策讓三公至於死免乃足爲
叫呼蒼天號跳泣血者也又中世之選三公也務於
清慤謹慎循常習故者是婦女之簡桺鄉曲之常人
耳惡足以居斯位邪執旣如彼選又如此而欲望三
公勲立於國家績加於生民不亦遠乎昔文帝之於
鄧通可謂至愛而猶展申屠嘉之志夫見任如此則

人之委任

崇尚廉耻乃
復開此極弊

文勢軒翔至
此尤陡舉

何患於左右小臣哉。至如近世外戚宦豎。請托不行。意氣不滿。立能陷人於不測之禍。惡可得彈正者哉。曩者任之重而責之輕。今者任之輕而責之重。昔賈誼感絳侯之困辱。因陳大臣廉耻之分開。引自裁之端。自此以來。遂以成俗。繼世之主。生而見之。習其所常。曾莫之悟。嗚呼。可悲。夫左手據天下之圖。右手刎其喉。愚者猶知難之。況明哲君子哉。光武奪三公之重。至今而加甚。不假后黨以權。數世而不行。蓋親疎之執異也。母后之黨。左右之人。有此至親之執。故其貴任萬世常然之敗。無世而無之。莫之斯鑒。亦可痛。

即詩人姻姬
媼仕之句

今頗沿習此
調而此特爽
勁

矣。未若置丞相自總之。若委三公則宜分任責成。夫
使爲政者不當與之婚姻。婚姻者不當使之爲政也。
如此在位病人。病人謂萬姓困敝也。舉用失賢。百姓不安。爭訟
不息。天地多變。人物多妖。然後可以分此罪矣。或曰
政在一。人權甚重也。曰。人實難得。何重之嫌。昔者霍
禹竇憲鄧騭梁冀之徒。藉外戚之權。管國家之柄。及
其伏誅。以一言之詔。詰朝而決。何重之畏乎。今夫國
家漏神明於媒近。輸權重於婦黨。算十世而爲之者
八九焉。不此之罪。而彼之疑。何其詭邪。

陳仁子曰。昌當也。又曰。或作讜讜直也。是昌言乃言。

之直而當於理也特有虞之昌言足以班
征苗之師是可以言而言也統之昌言不
足以戢戚宦之權是未可以言而言也然
使統負此忠鯁不一言之則是將終無人
言之也言不行於一時直長存於萬世不
謂之昌可乎

張以忠曰大臣備員權歸戚宦國家之禍恒必繇之
然必令政柄總自一人則臯夔契稷亦何
嘗不分理而致治此又未可爲定論也

徐幹中論法象篇

此篇不立開
架散說出
尚如禮記文

字

出入經典据
據左詞羅綱
前聞參以獨
見

說君子可畏
處痛切所謂

夫法象立。所以爲君子。法象者。莫先乎正容貌。慎威儀。是故先王制之禮也。爲冕服采章以旌之。爲佩玉鳴璫以聲之。欲其尊也。欲其莊也。焉可以懈慢也。夫容貌者。人之符表也。符表正。故情性治。情性治。故仁義存。仁義存。故盛德著。故可以爲法象。斯謂之君子矣。君子者。無尺土之封。而民尊之。無刑罰之威。而民畏之。無羽籥之樂。而民樂之。無爵祿之賞。而民懷之。其所以致之者一也。故孔子曰。君子威而不猛。泰而不驕。詩云。敬慎威儀。惟民之則。若夫惰其威儀。玩其

畏大人者卽
畏此碩德重
望之君子也
然惟孔子足
以當之

自人性之所
簡至此言敬
慎威儀者當
無間於幽獨

瞻視忽其辭令而望民之則我者未之有也莫之則
者必慢之者至矣小人見慢也而致怨乎人患已之
卑而不思其所以爲哀哉故書曰惟聖罔念作狂惟
狂克念作聖人性之所簡也存乎幽微人情之所忽
也存乎孤獨夫幽微者顯之原也孤獨者見之端也
胡可簡也胡可忽也是故君子敬孤獨而慎幽微雖
在隱蔽鬼神不得見其隙耳詩云肅肅兔置施於中
林處獨之謂也又有顛沛而不可亂者則成王季路
其人也昔成王將崩體被冕服然後發顧命之辭季
路遭亂結纓而後死白刃之難夫以彌留之困白刃

之地顛沛之時而後乃能有濟有濟者言容貌可以動民而民莫慢也若懈怠于幽獨而矯飾於蒞衆之際勉強於平居而忽忘於變故之時則容貌之正不本乎中心之誠不誠未不能動者也自君子口無戲謔之言至此言君子能誠敬以修容儀則已正而

之難猶不忘敬況於遊宴乎故詩曰就其深矣方之舟之就其淺矣泳之遊之言必濟也君子者無戲謔之言言必有防無戲謔之行行必有簡故雖妻妾不可得而黷也雖朋友不可得而狎也是以不愠怒而教行於閨門不諫諭而風聲紀乎鄉黨傳稱大人正已而物正者蓋此之謂也以匹夫之居猶然況得志而行於天下乎唐堯之帝允恭克讓而光被四表成湯不敢怠遑而奄有九域文王祇畏而造彼區夏易曰觀盥而不薦有孚顒若言下觀而化也禍敗之所繇也則有媒慢以爲階可無慎乎昔宋湣碎首於碁

物自正如弄
舜湯文之化
天下者是矣
否則禍敗由
之可不慎乎

自昔宋湣王
至此乃承上

局○魯○生○虜○宋○南○宮○萬○萬○歸○宋○湣○公○與○萬○獵○因○博○爭○行○
以○局○殺○湣○公○怒○曰○始○吾○敬○若○今○魯○虜○也○萬○有○力○病○此○言○遂○
公○于○蒙○澤○陳○靈○被○禍○於○戲○言○陳○靈○公○與○孔○寧○儀○行○父○
汝○徵○舒○閻○邴○造○逆○於○相○詬○齊○懿○公○別○邴○歇○之○父○納○聞○
遂○弑○公○閻○邴○造○逆○於○相○詬○職○之○妻○二○人○相○詬○乃○謀○弑○
懿○公○納○子○公○生○弑○於○嘗○龜○公○與○子○家○將○見○子○公○之○食○
諸○竹○中○子○公○生○弑○於○嘗○龜○公○與○子○家○將○見○子○公○之○食○
指○動○以○示○子○家○曰○他○日○我○如○此○必○嘗○異○味○及○入○宰○夫○
將○解○龜○相○視○而○笑○公○問○之○子○家○以○云○及○食○大○夫○龜○召○
子○公○而○弗○與○子○公○怒○染○指○於○鼻○嘗○之○是○故○君○子○居○
之○而○出○公○怒○欲○殺○子○公○子○公○謀○先○弑○之○是○故○君○子○居○
身○也○謙○在○敵○也○讓○臨○下○也○莊○奉○上○也○敬○四○者○備○而○怨○
咎○不○作○福○祿○從○之○詩○云○靖○恭○爾○位○正○直○是○與○神○之○聽○
之○式○穀○似○女○故○君○子○之○交○人○也○歡○而○不○媿○和○而○不○同○
好○而○不○佞○詐○學○而○不○虛○行○易○親○而○難○媚○多○恕○而○寡○非○

文不能謹之意而言宋渥王陳靈之屬皆不能謹以致禍敗者是以君子必以爲戒而不致不慎必蹈禮以終身也

故無絕交。無畔明。書曰：慎始而敬終，終以不困。夫禮也者，人之急也。可終身思而不可須臾忘也。須臾離則悖慢之行臻焉。須臾忘則悖慢之心生焉。況無禮而可以終始乎？夫禮也者，敬之經也。敬也者，禮之情也。無敬無以行禮，無禮無以節敬。道不偏廢，相須而成。是故能盡敬以從禮者，謂之成人。過則生亂，亂則災及其身。昔晉惠公以慢，瑞無嗣。襄王使召武公內史過賜晉侯命受玉隋歸告王曰：文公以肅命與國。襄王使太宰文公及內史與賜晉文公晉侯其無後乎？公命晉侯端委以入，太宰以王命冕服內史贊之。三命而後，即冕服。卻犇以傲，享徵亡。晉侯使卻犇逆孫林父於衛，衛侯享犇。寧惠子相犇，傲寧子曰：若成叔家其亡乎？冀缺以敬。

餘波滾滾

妻受服

舊季使過冀見冀缺耨其妻餉之敬言於晉文公公以為下軍大夫

子圉以大

明昭亂遠

偉音

罷以既醉保祿

楚令尹子圍享趙孟賦大明之首章事畢趙孟

謂叔向曰

令尹自以為王矣楚遠罷如晉蒞盟晉侯

享之將出賦既醉叔向曰遠氏之有後於楚國家宜

哉良霄以鷄衣喪家子展以草蟲昌族

鄭七子餞趙

孟子展賦昔

蟲趙孟曰善哉民之主也伯有賦鷄之奔奔曰床第之言不踰閭

君子感凶德之如

彼見吉德之如此故立必磬折坐必抱鼓

坐如抱鼓

莊敬之貌

也周旋中規折旋中矩視不離乎結繪之間言不越

乎表著之位聲氣可範精神可愛俯仰可宗揖讓可

貴述作有方動靜有常帥禮不荒故為萬夫之望也

曾


鞏曰漢承周衰及秦滅學之餘百氏雜家與聖

人之道竝傳學者罕能觀於道德之要而
不牽於俗儒之說且於治心養性去就謹
嘿之際能不悖於理者固希矣況至於魏
之濁世哉幹能獨考六藝推仲尼孟軻之
旨述而論之求其辭時若有小失者要其
歸不合於道者少矣其所得於內者又能
信而克之逡巡濁世有去就顯晦之大節
始讀其書察其意而賢之因其書以求其
爲人又知其行之可賢也惜其有補於世
而識之者少蓋迹其言行之所至而以世

俗好惡觀之彼惡足以知其意哉

真德秀曰按幹中論二十篇文選以其澹泊無華皆
不之取故世不復知有此書今觀其所著
法象一篇顓以敬爲主蓋秦漢以後儒者
論著少有及之者

張以忠曰原本六經辭理沉毅命世之作



後人定其之說亦足以知其意哉

真德秀曰茲韓中論二十篇文選以其澹泊無華皆
不之取故世不復知有此書今觀其所著
法象一篇頗以數爲主蓋秦漢以後儒者
論著少有及之者

張以忠曰原本六經辭理沉毅命世之作

